



**TERTIB ACARA KEBAKTIAN MINGGU  
GKPS P.BULAN-RESORT POLONIA MEDAN  
Minggu XV Dob Trinitatis, 20 September 2020**



**TOPIK:**

**“Naibata Pataridahkon kuasani Marhitei Bencana Alam”**

Live streaming: [www.gkpspadangbulan.com/tv](http://www.gkpspadangbulan.com/tv)

Tata Ibadah: <http://www.gkpspadangbulan.com/tatib>

**1. *Votum – Introitus – Tonggo***

**P.** Ibagas Goran ni Naibata Bapa pakon Tuhan Jesus Kristus ampa Tonduy Na Pansing, Sitompa langit pakon tanoh on. Amen.

Martuah ma na horahan loheian bani hapintoron, ai sipabosuron do sidea. Martuah ma paruhur na borsih, ai idahon ni sidea do Naibata. Haleluya, Haleluya, Haleluya.

**K.** *Haleluya, Haleluya, Haleluya...*

**P. Martonggo ma hita!**

Ham Tuhan Naibata, Bapanami paridobni uhur na tarsulur. Ibagas toruh ni uhur mangindo hanami hu Bamu, Tonduy-Mu ma na manggoki uhur ronsi pingkirannami ase margogoh hanami manangihon Ham anjaha mangkagoluhkon hata-Mu Na Pansing in, ase lambin talar buah-buah namadear humbani hadirionnami. Balosi Ham ma hanami, marhiteihon Anak-Mu Jesus Kristus Tuhannami. Amen (*Hundul kuria*).

**2. *Mandoding 201. Puji Tongtong Jahowa Tongon (1+2+4)***

1. Puji tongtong Jahowa tongon  
pardear gabei parholong atei sadokahni in;  
pardear gabei in parholong atei in.

2. Ingat tongtong, ale tonduyhon.  
Ganup na jenges, ibahen Tuhan Naibata hubam;  
Dear layak-Ni do na pagoluhkon ho.

4. Jombut botul Jahowa bujur.  
Na marmulia bai haganup na tinompa-Niin.  
Hamuliaon ma bai Tuhan Naibata!

**3. *Hasasapan ni Dousa***

**P. Riap ma hita jongjong!**

Martonggo ma hita, sopotkon hita ma dousanta hubani Tuhan Naibata.

Ham Tuhan Naibata Bapanami Pargogoh na so tarimbang Sitompa langit pakon tanoh on. Na susi do Ham janah paridop ni uhur bangga. Lang namin talup hanami roh lobei-Mu, halani buei ni dousanami. Ai gati do hanami lang martenger ni uhur hu Bamu, agepe domma ihatahon Ham bannami, ase pitah Ham hansa Naibatanami, ulang marnaibata na legan. Tapi gati tumang do lang ihaporsayai hanami Ham marhitei na martenger ni uhur hanami bani na legan. Halani ai do ase roh hanami hu lobei-Mu, mansopotkon dousa pakon panlanggaronnami. Holong ma atei-Mu, sai marpangulaki ma uhur-Mu mangidah hanami, sasap Ham ma dousanami anjaha patotap Ham ma haporsayaon ampa tenger ni uhurnami hu Bamu. Roh hanami mangindo ibagas Goran ni Anak-Mu Jesus Kristus, Tuhan janah sihopkop hanami. Amen.

**P.** Tangar anjaha haporsayai hita ma Hata ni Naibata, bagah-bagah pasal hasasapan ni dousa.

**Idop ni uhurNi Jahowa do na so ra marpunsa, seng marnarotap holong ni atei-Ni. Mulak ratah do ai siap sogod, bangga do habonaron-Mu.**

Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata i babou.

**K.** Amen.

*(hundul kuria)*

#### 4. **Mandoding 475. Ham Naibatangku (1-2)**

1. Ham Naibatangku i surga paratas-Mu  
manrogop au nuan ilobei-Mu.

Tanggung tumang sangap do goran-Mu,  
'ge kuasa-Mu totap do in toguh.

2. Roh au manowod martonggo hu lobei -Mu,  
unduk do au mangindo holong-Mu.

Sai sasap Ham dousangku haganup,  
useihon Ham ma hu bangku layak-Mu.

#### 5. **Hata Haporsayaan**

##### **P. Riap ma hita jongjong!**

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

**P+J.** Ahu porsaya bani Naibata Bapa, Pargogoh na so tarimbang, na manompa langit pakon tanoh on. Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei tonduy na pansing. Na manaron na parngit, bani panorang ni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, Pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei. Ahu porsaya bani tonduy na pansing, bani kuria parsadaan na mapansing in, parsaoan ni sagala na mapansing in, bani hasasapan ni dousa, bani parpuhoon ni angkula, pakon bani hagoluhan na sadokah ni dokahni. Amen! (*hundul kuria*)

#### 6. **Tingting + Tonggo Pangapition**

#### 7. **Mandoding 372. Sai Pasiat Tuhan Jesus (1+2+4)**

1. Sai pasiat Tuhan Jesus, roh hubagas uhurmin,  
Tarpaimaima Jesus bogei panuktuk-Ni in,  
Sai pasiat Tuhan Jesus, das hubagas uhurmin,  
nuan ari paridopan , ulang sompat salpu in.

2. Hamegahon na i tanoh, in do isarihon ho,  
pardomuan pakon Jesus, gabe ilupahon ho ,  
Sai pasiat Tuhan Jesus, das hubagas uhurmin,  
nuan ari paridopan , ulang sompat salpu in.

4. Bere goluhmin bai Jesus, ai podas do salpu in,  
sai pasiat Tuhan Jesus, bai uhur na loja in.  
Sai pasiat Tuhan Jesus, das hubagas uhurmin,  
nuan ari paridopan, ulang sompat salpu in.

#### 8. **Ambilan: Lukas 17 : 26-37**

#### 9. **Manggalang:**

P. Paima iondoskon hita galanganta, tangar hita ma lobei hata ni Naibata na gabe onjolan banta laho manggalang, aima na tarsurat bani **Psalmen 96:8**: "Bere nasiam ma bani Jahowa hamuliaon ni goranNi, boan nasiam ma galangan, masuk ma nasiam bani alaman-Ni".  
**Sonari ondoskon hita ma galanganta!. Sonari ondoskon hita ma galanganta!**

#### **453. Pitah Ham Tuhan**

1. Pitah Ham Tuhan, hatundalan na toguh.

Humbai ganup paruntolon na itanoh on.

Bani haganup pardalanan, pitah Ham panjaga na gogoh.  
Ondos ma Tuhan, hanai on nuan, 'se torsa sadokah goluh on.

2. Tonduy Na Pansing, bere Ham bannami on.

Sai useihon Ham bai uhurnami 'se sintong

Ase dong pargogoh manlawan, kuasa ni dunia na bajan  
Ondos ma Tuhan, hanai on nuan, 'se torsa sadokah goluh on.

**10. Tonggo Galangan – Panutup – Pasu-pasu:**

**P.** Martonggo ma hita mangondoskon galanganta hubani Naibata!

Ham Tuhan Naibata, Bapanami, pardear layak janah na unjah hu bannami. Tarima kasih ma hatahononami hu Bamu, halani tongtong do ipasu-pasu Ham goluhnami. Domma ihasomani Ham hanami janah ipasu-pasu Ham horjanami das hubani sadarion. Sonari, ibagas malas ni uhur roh do hanami mangondoskon buah ni horja na dob pinasu-pasu-Mu in gabe galangan hatarimakasihon pakon puji-pujiannami hu Bamu. On pe sai jalo Ham ma galangannami on, bahen hasangapon ni goran-Mu janah mambahen lambin martaridahan harajaon-Mu i dunia on. Ibagas goran ni Anak-Mu, Jesus Kristus Tuhannami, jalo Ham ma tonggonami on. Amen.

**K. Mandoding Haleluya No. 340:1**

Huondoskon bani Jesus haganupan diringkon  
Ia do pasangaponku sadokah bai goluhkon  
Huondoskon ma, huondoskon ma.  
Bani Jesus Sipaluah, huondoskon ma

**P.** Ham Bapanami na i nagori atas. Sai na papansing ma Goran-Mu. Sai roh ma harajaonMu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dampak hanami. Ulang hanami bobai Ham hu parlajouan. Paluah Ham ma hanami humbani pangagou!

**K.** Ai Ham do simada harajaon pakon hagogohon ampa hasangapon sadokahni dokahni. Amen.

**P. Jalo ham (hita) ma pasu-pasu humbani Tuhan Naibatanta:**

Ipasu-pasu anjaha iparorot Tuhan Naibata ma ham (hita). Isondangkon Tuhan Naibata ma bohi-Ni hu bamu (hu banta) janah maidop ma uhur-Ni mangidah

ham (hita). Idompakkon Tuhan Naibata ma bohi-Ni hu bamu (hu banta) janah ipasorap ma damei-Ni bani tonduymu (tonduyta bei). Amen.

**K.** *Amen.. Amen.. Amen..*